

ՊԱՅՄԱՆԱԳԻՐ N 473

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱՋԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

«25» «10» 2019 թ

«Կրթության, գիտության, մշակույթի և սպորտի նախարարությունը (այսուհետ՝ Պատվիրատու)՝ ի դեմս նախարարության կանոնադրության հիման վրա գործող գլխավոր քարտուղար Ն. Հարությունյանի, մի կողմից, «Հայաստանի պատմության թանգարան» ՊՈԱԿ-ը (այսուհետ՝ Կատարող)՝ ի դեմս կազմակերպության կանոնադրության հիման վրա գործող տնօրեն Գ. Գրիգորյանի, մյուս կողմից, կնքեցին սույն պայմանագիրը (այսուհետ՝ Պայմանագիր) հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն հանձնարարում է, իսկ Կատարողը ստանձնում է Պատվիրատուի կողմից հատկացված միջոցներն ուղղել արժանեմենտային ծրագրի շրջանակներում 2019 թվականի երկրորդ եռամսյակի ծախսերի փոխհատուցմանը՝ համաձայն Պատվիրատուի կողմից հաստատված ծրագրի և պայմանագրի անբաժանելի մաս կազմող հավելվածի:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն պարտավոր է՝

2.1.1. Հատկացնել գումարը «Հայաստանի Հանրապետության 2019 թվականի պետական բյուջեի մասին» ՀՀ օրենքի «Արվեստների ծրագրի» «Մշակութային միջոցառումների իրականացում» միջոցառման համար ՀՀ կրթության, գիտության, մշակույթի և սպորտի նախարարությանը նախատեսված անհատույց դրամաշնորհների հաշվին:

2.1.2. Պայմանագրի 6.1-ին կետով սահմանված ժամկետում ընդունել Կատարողի կողմից Պայմանագրի 2.3.3-րդ ենթակետով սահմանված կարգով ներկայացված հաշվետվությունները, ստորագրել հանձնման-ընդունման արձանագրությունը:

2.2. Պատվիրատուն իրավունք ունի՝

2.2.1. Ցանկացած ժամանակ (պարբերաբար), առանց որևէ սահմանափակումների, ստուգել Կատարողի կողմից Պայմանագրի կատարման ընթացքը՝ չմիջամտելով վերջինի գործունեությանը:

2.2.2. Կատարողի կողմից Պայմանագրի 2.3-րդ կետով նախատեսված պարտավորությունները չկատարելու դեպքում հետ պահանջել փոխանցված գումարը, միակողմանի լուծել Պայմանագիրը՝ դադարեցնելով պայմանագրով իր վրա դրված պարտավորությունների կատարումը:

2.2.3. Պայմանագրի 6.1-ին կետով սահմանված ժամկետում Կատարողից պահանջել ներկայացնել Պայմանագրի 2.3.2-րդ ենթակետով նախատեսված հաշվետվությունը:

2.3. Կատարողը պարտավոր է՝

2.3.1. Պայմանագրից բխող աշխատանքներն իրականացնել՝ ապահովելով Պայմանագրի պարտադիր պահանջները:

2.3.2. Մինչև Պայմանագրի 6.1-ին կետով սահմանված ժամկետի ավարտը Պատվիրատուին ներկայացնել հաշվետվություն (ֆինանսական և բովանդակային) իր կողմից իրականացված ծախսերի և կատարված միջոցառումների մասին: Ֆինանսական

հաշվետվությունը պարունակում է Պատվիրատուի կողմից հաստատված ձևանմուշով լրացված ձևը (հաշվարկի ծախսերը հիմնավորող հաշվապահական և այլ փաստաթղթերը գտնվում են Կատարողի մոտ), իսկ բովանդակայինը՝ ամբողջական տեղեկատվություն միջոցառման իրականացման և ընթացքի մասին:

2.3.3. Հրապարակել Պատվիրատուի անունը, իսկ միջոցառման համաֆինանսավորման դեպքում տրամադրել ամփոփ տեղեկույթ՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին:

2.3.4. Պայմանագրի անբաժանելի մաս կազմող հավելվածի համաձայն կնքել գումարի փոխհատուցման պայմանագրեր նշված կազմակերպությունների հետ:

2.4. Կատարողը իրավունք ունի՝

2.4.1. Պատվիրատուի կողմից Պայմանագրի 2.1.1-ին ենթակետով նախատեսված պարտավորությունները չկատարելու դեպքում միակողմանի լուծել Պայմանագիրը՝ դադարեցնելով Պայմանագրով իր վրա դրված պարտավորությունների կատարումը:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Պայմանագրի 1.1-ին կետում նշված աշխատանքների իրականացման համար Պատվիրատուն Կատարողին հատկացնում է 29854.8 (քսանինը միլիոն ութ հարյուր հիսունչորս հազար ութ հարյուր) դրամ (ներառյալ հարկերը, տուրքերը և պարտադիր այլ վճարները)՝ համաձայն պայմանագրի հավելվածի:

3.2 Պայմանագրի 3.1-ին կետում սահմանված գումարը Կատարողին հատկացվում է Պայմանագիրը կնքվելուց հետո՝ 5 բանկային օրվա ընթացքում, գանձապետական հաշվեհամարին փոխանցելու միջոցով:

3.3. Համաձայն «ՀՀ 2019 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2019 թվականի ընթացքում ենթակա են վերադարձման ՀՀ պետական բյուջե:

4. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

4.1. Պայմանագրի 1.1-ին կետում նշված և ամբողջությամբ կատարված աշխատանքները Կատարողի կողմից ներկայացվում են Պատվիրատուի ընդունմանը ոչ ուշ, քան Պայմանագրով սահմանված ժամկետում: Պատվիրատուի կողմից դրանց ընդունման դեպքում այդ մասին կազմվում է ընդունման-հանձնման արձանագրություն:

4.2. Մինչև Պայմանագրի 1.1-ին կետում նշված աշխատանքների ընդունման-հանձնման արձանագրության ստորագրումը Կատարողը պետք է Պատվիրատուին ներկայացնի Պայմանագրի կատարմանն ուղղված՝ իր կողմից փաստացի կատարված ծախսերի վերջնահաշվարկը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ ԵՎ ՊԱՅՄԱՆԱԳԻՐԸ ԴԱԴԱՐԵՑՆԵԼՈՒ ԿԱՐԳԸ

5.1. Պայմանագրով նախատեսված պարտավորությունները կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ Պայմանագրի կատարման համար

խոչընդոտներ ստեղծելու, մյուս կողմին վնաս պատճառելու համար կողմերից յուրաքանչյուրը պատասխանատվություն է կրում մյուս կողմին պատճառած վնասների լրիվ ծավալով՝ օրենքով սահմանված կարգով:

5.2. Պայմանագիրը կարող է վաղաժամկետ լուծվել Կողմերից որևէ մեկի նախաձեռնությամբ՝ մյուս կողմի՝ Պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների լրիվ չափով փոխհատուցում:

5.3. Պայմանագիրը վաղաժամկետ դադարեցնելը կամ լուծելը Կողմերից որևէ մեկի համար այն շարունակելն աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում Կողմն իրավունք ունի կամ ստանալ Պայմանագրի 3.1-ին կետով նախատեսված գումարի լրիվ փոխհատուցումը, կամ պահանջել Պայմանագրի հարկադիր կատարումը:

5.4. Պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում Կատարողը Պատվիրատուին վճարում է տույժ՝ պայմանագրի գնի 0.05 (հինգ հարյուրերորդական) տոկոսի չափով՝ ուշացված յուրաքանչյուր օրացույցային օրվա համար:

6. ՊԱՅՄԱՆԱԳՐԻ ԺԱՄԿԵՏԸ

6.1. Պայմանագրով նախատեսված աշխատանքների հաշվետվությունների ներկայացման ժամկետը մինչև 2020 թվականի փետրվարի 5-ը:

6.2. Պայմանագիրը ուժի մեջ է մտնում Կողմերի ստորագրման պահից և գործում է մինչև 2020 թվականի փետրվարի 15-ը:

7. ՎԵՃԵՐԻ ԼՈՒԾՄԱՆ ԿԱՐԳԸ

7.1. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերը լուծվում են օրենքով սահմանված կարգով:

8. ԱՅԼ ՊԱՅՄԱՆՆԵՐ

8.1. Պայմանագիրը կազմված է 5 թերթից, կնքվում է 2 օրինակից, որոնք ունեն հավասարազոր իրավաբանական ուժ:

8.2. Սույն պայմանագրում լրացումներ ու փոփոխություններ կատարելու վերաբերյալ համաձայնությունները կազմվում են գրավոր և հաստատվում են Կողմերի ստորագրությամբ:

9. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ

ՊԱՏՎԻՐԱՏՈՒ՝	ԿԱՏԱՐՈՂ՝
«Կրթության, գիտության, մշակույթի և սպորտի նախարարություն Երևան, Վազգեն Սարգսյան 3 Կառավարական տուն 2 ՀՀ ՖՆ գործառնական վարչություն Հ/Կ 900011024313 ՀՎՀՀ 02698732 Գլխավոր քարտուղար՝ Կ.Տ.	«Հայաստանի պատմության թանգարան» ՊՈԱԿ Երևան, Երևան, Հանրապետության հրապարակ 4 ՀՀ ՖՆ գործառնական վարչություն ՀՀ 900018001397, ՀՎՀՀ 02514442 Տնօրեն՝ Կ.Տ.

Ս. Հարությունյան

Գ. Գրիգորյան

**Արոնեմենտային ծրագրի շրջանակներում 2019 թվականի երկրորդ եռամսյակի
 թանգարաններ այցելությունների քանակ և հատկացվող գումար**

N	Կազմակերպության անվանումը	Աշակերտների քանակ	Ուսուցիչների քանակ	Ընդհամենը	Հատկացվող գումարը (հազ. դրամ)
	ՀՀ մշակույթի ենթակայության թանգարաններ	64423	4252	68675	20602,5
1	«Խաչատուր Աբովյանի տուն-թանգարան» ՊՈԱԿ	757	66	823	246,9
2	«Հայաստանի պատմության թանգարան» ՊՈԱԿ	5454	855	6309	1892,7
3	«Օրբելի եղբայրների տուն- թանգարան» ՊՈԱԿ	1192	111	1303	390,9
4	«Ավ. Իսահակյանի տուն-թանգարան» ՊՈԱԿ	4519	266	4785	1435,5
5	«Հրազդանի երկրագիտական թանգարան» ՊՈԱԿ	206	8	214	64,2
6	«Ն. Աղոնցի անվան Սիսիանի պատմության թանգարան» ՊՈԱԿ	1174	82	1256	376,8
7	«Հովհաննես Թումանյանի թանգարան» ՊՈԱԿ	8612	430	9042	2712,6
8	«Մ. Սարյանի տուն-թանգարան» ՊՈԱԿ	2990	147	3137	941,1
9	«Հ. Շարամբեյանի անվան ժողովրդական ստեղծագործության կենտրոն» ՊՈԱԿ	1676	76	1752	525,6
10	«Հայաստանի ազգային պատկերասրահ» ՊՈԱԿ	7419	665	8084	2425,2
11	«Ս. Փարաջանովի թանգարան» ՊՈԱԿ	1505	93	1598	479,4
12	«Ե. Չարենցի անվան գրականության և արվեստի թանգարան» ՊՈԱԿ	11789	551	12340	3702
13	«Փայտարվեստի թանգարան» ՊՈԱԿ	789	43	832	249,6
14	«Արամ Խաչատրյանի տուն-թանգարան» ՊՈԱԿ	1036	57	1093	327,9
15	«Երվանդ Քոչարի թանգարան» ՊՈԱԿ	396	21	417	125,1
16	«Պատմամշակութային արգելոց-թանգարանների և պատմական միջավայրի պահպանության ծառայություն» ՊՈԱԿ	5560	342	5902	1770,6
17	«Ռուսական արվեստի թանգարան (պրոֆ. Ա. Աբրահամյանի հավաքածու)» ՊՈԱԿ	285	14	299	89,7
18	«Ալեքսանդր Սպենդիարյանի տուն-թանգարան» ՊՈԱԿ	874	20	894	268,2
19	Կոմիտասի թանգարան -ինստիտուտ» ՊՈԱԿ	5318	262	5580	1674
20	Եղիշե Չարենցի տուն-թանգարան	2872	143	3015	904,5
	Այլ ենթակայության թանգարաններ	13473	782	14255	4276,5
21	«Էրեբունի» պատմահնագիտական արգելոց-թանգարան» ՀՈԱԿ	1955	109	2064	619,2
22	«Երևան քաղաքի պատմության թանգարան» ՀՈԱԿ	2140	128	2268	680,4
23	«Ժամանակահատվածի արվեստի թանգարան» ՀՈԱԿ	44	4	48	14,4
24	«Կապանի երկրագիտական թանգարան» ՊՈԱԿ	28	4	32	9,6
25	«Մատենադարան. Մ. Մաշտոցի անվան հնագույն ձեռագրերի գիտահետազոտական ինստիտուտ» հիմնադրամ	2988	152	3140	942
26	«Պարույր Սևակի տուն-թանգարան» ՀՈԱԿ	956	48	1004	301,2
27	Հ. Կարապետյանի անվան Երկրաբանական թանգարան	374	20	394	118,2

	Գեղարքունիքի երկրագիտական թանգարան	1369	70	1439	431,7
29	Լոռի-Փամբակի երկրագիտական թանգարան	966	45	1011	303,3
30	Ստեփան Զորյանի տուն-թանգարան	398	30	428	128,4
31	«Եղեգնաձորի երկրագիտական թանգարան» ՀՈԱԿ	774	45	819	245,7
32	«Դիլիջանի երկրագիտական թանգարան» ՀՈԱԿ	643	37	680	204
33	«Գյումրու ժողովրդական ճարտարապետության և քաղաքային կենցաղի թանգարան» ՊՈԱԿ	838	90	928	278,4
	ԸՆԴԱՄԵՆԸ՝	77896	5034	82930	24879.0
	ԱԱՀ				4975.8
	Ամբողջը՝				29854.8

<p>ՊԱՏՎԻՐԱՏՈՒ՝ ՀՀ կրթության, գիտության, մշակույթի և սպորտի նախարարություն Երևան, Վազգեն Սարգսյան 3 Կառավարական տուն 2 ՀՀ ՖՆ գործառնական վարչություն Հ/Հ 900011024313 ՀՎՀՀ 02698732 Գլխավոր քարտուղար Կ.Տ.</p> <p style="text-align: center;">Ն. Հարությունյան</p>	<p>ԿԱՏԱՐՈՂ՝ «Հայաստանի պատմության թանգարան» ՊՈԱԿ Երևան, Հանրապետության հրապարակ 4 ՀՀ ՖՆ գործառնական վարչություն ՀՀ 900018001397 ՀՎՀՀ 02514442 Տնօրեն՝ Գ. Գրիգորյան Կ.Տ.</p>
--	---